

ԱՐՄԵՆ ԱՍՐՅԱՆ

պապրմական գիտ. թեկնածու

ԱՐԱՄ ՄԱՆՈՒԿՅԱՆԻ ՊԵՏԱԿԱՆ ԳՈՐԾՈՒՆԵՈՒԹՅՈՒՆԸ

Արամ Մանուկյանի (1879-1919 թթ.) պետական գործունեության ուսումնասիրությունն ունի արդիական պետական ու գործնական բացառիկ կարևորություն: Նայոց պետականության վերականգնմանն ու ամրապնդմանը ուղղված նրա իրապետական մտքեցումը, շրջահայեցությունը, արդյունավետ ձևոնարկները, փորձը իրավիճակին չհամակերպվելու և շրջապատին չենթարկվելու նրա անսասան վճռականությունը արդիական են, ուսանելի:

Անդրադառնալ Արամի պետական գործունեությանը, սահմանափակվելով սոսկ Նայասպանի Առաջին Հանրապետության ժամանակաշրջանով, կլինի խիստ անբավարար:

Արամ Մանուկյանի պետական գործունեությունը կարելի է պարբերացնել չորս փուլի: Առաջին փուլն ընդգրկում է Վանի հայկական ուսանողականության շրջանը, երկրորդը՝ Երևանում 1917 թ. դեկտեմբերից 1918 թ. մայիսի 28-ը՝ Նայասպանի Առաջին Հանրապետության հռչակումն ընկած ժամանակաշրջանը, երրորդը՝ Նայասպանի Առաջին Հանրապետության հռչակումից մինչև նրա անդրանիկ կառավարության ձևավորումն ընկած ժամանակահատվածը (1918 թ. մայիսի 28-ից հուլիսի 24-ը), չորրորդը՝ Նայասպանի Առաջին Հանրապետության ժամանակաշրջանը:

Նման պարբերացման նպատակը Արամի պետական մտածողությունը և գործունեությունը պետականաշինության բնագավառում ամբողջության մեջ ներկայացնելու ձգտումն է:

Առաջին հայացքից գուցեն աչքան էլ ճիշտ չէ Վանի հայկական ուսանողականության 72-օրյա գոյության ընթացքում, ինչպես նաև Ռուսական կայսրության նախկին Երևանի ուսանողի փարաժքում 1917 թ. դեկտեմբերից 1918 թ. մայիսի 28-ը Արամի ծավալած գործունեությունը որակել իբրև պետական, քանի որ երկու դեպքում էլ բառի բուն՝ եզրաբանական իմաստով չկային պետական միավորներ: Նրանցից առաջինը Ռուսական կայսրությանը ենթակա սահմանափակ ինքնուրույնությունն ունեցող վարչական միավոր էր, իսկ երկրորդը՝ Ռուսական կայսրության քայքայումից հետո բախտի քմահաճույքին թողնված, դեպքերի բերումով նրանից փաստորեն անկախացած, բայց իրականում անորոշ կարգավիճակ ունեցող երկրամաս:

Սակայն, երբ վեր ենք բարձրանում «պետություն», «պետական», «պետականություն» հասկացությունների ձևական՝ նեղ իմաստային ընկալումից և երևույթները

դիպարկում ենթ լայն համապարկերում, մասնավորապես, երբ դիպարկում ենք՝ 1) Վանի նահանգապետության որոշակի ինքնուրույնությունը, նահանգապետության հետ կապված հայության լայն շրջանակների և նահանգապետ Արամի ակնկալիքները, նահանգապետության պետական-վարչական ապարատի սրելծումը, հարկապես իշխանության մարմինների գործառնությունների սահմանում և նրանց գործունեության համակարգումը, նահանգապետության առջև ծառացած հրապարակ ինդիքների լուծման ժամանակ Արամի մոտեցումների բնույթը և որակական կողմերը, 2) 1917 թ. դեկտեմբերից 1918 թ. մայիսի 28-ը ձգվող ժամանակաշրջանում Արամի գործունեության նպատակը և մասշտաբայնությունը, այդ ժամանակահատվածում նրա գլխավորությամբ վարչաքաղաքական, ռազմական ու ընկերային-պրեսական բնագավառներում իրականացված միջոցառումների բնույթն ու որակական մակարդակը, այդ տարակուսանքն ամբողջությամբ անհետանում է: Եթե համառոտ ասենք, Արամի ձեռնարկումներն այդ ժամանակահատվածներում ունեին պետականությանը բնորոշ մակարդակ և բնույթ:

Վանի 1915 թ. ապրիլյան հաղթական հերոսամարտից հետո ռուսական Կովկասյան բանակի հրամանատարության հրամանով Վանի նահանգապետության սրելծումը և հերոսամարտի կազմակերպիչ Արամ Մանուկյանի նշանակումը նահանգապետ բուն ոգևորություն առաջացրեց հայ ժողովրդի շրջանում: Դա բնական էր, քանզի անկախ պետականության կորստից դարեր անց, թեկուզև ռուսական զինվորական իշխանության ենթակայության ներքո, թեկուզև փոքրիկ տարածքում, հայ ժողովուրդը ստանում էր որոշակի ինքնուրույնություն:

Վանի նահանգապետի պաշտոնում Արամի գործունեությունը ճիշտ բնութագրելու համար հարկ է նախապես նկատի ունենալ երկու հանգամանք: Առաջին, այս նշանակման հեղինակ ռուսական հրամանատարության մրահոգությունը, բնականաբար, սեփական շահերի հետամտումն էր: Արամի նշանակումը կատարվել էր այն հաշվով, որ «նա ամբողջովին ենթարկվի զինվորական իշխանությանը՝ ի դեմս Վանի կայագործի պետի, և որ նրա միջոցով փոխանցվեն զինվորական իշխանության բոլոր կարգադրությունները»¹: Արամից պահանջվելու էին մեծ ջանքեր հայկական շահերից բխող քաղաքականություն վարելու համար, քանի որ կողմերի դիրքորոշումները մի շարք հարցերում, ինչպես կրեսները, տարբեր էին: Երկրորդ, ողջունելով ռուսական զորքերի մուտքը Վան՝ Արամը Ռուսաստանի միապետին ուղարկվելիք հեռագրում խնդրել էր իրենց որպես ինքնավար Նայաստան ընդունել ռուսական հովանու ներքո²: Սա նշանակում է, որ նրա գործունեությունը նահանգապետի պաշտոնում, իհարկե, որքան որ թույլ տար ժամանակաշրջանը, միավորված էր լինելու այդ գաղափարի կենսագործմանը: Այդպես մտածելու տեղիք է տալիս նաև նահանգապետի պաշտոնում նրա անդրանիկ ելույթը:

Մտանձնելով նահանգապետի պաշտոնը՝ մայիսի 8-ին ժողովրդին ուղղված ուղերձում Արամը կոչ արեց համախմբվել ձեռավորվելիք «կառավարութեան շուրջը, վերականգնակերպելու համար կեանքը քաղաքի և ամբողջ շրջանի մեջ»³: Նրա գլխավոր

1 ՎԱԱ, ֆ. 242, ց. 1, գ. 19, թ. 44; ֆ. 121, ց. 2, գ. 158, թ. 1:

2 Տե՛ս Փ. Елисеев, Казаки на Кавказском фронте 1914-1917, Москва, 2001, էջ 97:

3 ՎԱԱ, ֆ. 242, ց. 1, գ. 39, թ. 4:

մրահագոյությունն էր՝ արժանի լինել ազատագրական պայքարի ճանապարհին նահապակվածների հույսերին և հիշարակին: Ասվածից հետևում է, որ նա ձգտելու էր իրագործել ազատագրական շարժման նպատակները:

Նորաստեղծ նահանգապետության դրությունը չափազանց ծանր էր. շրջափակում, ավերված քրեականություն, ցեղասպանությունից մազապուրծ 10.000 փախստականների առկայություն, պարենամթերքի սուր պակաս, համաճարակային հիվանդություններ և այլն:

Վանի նահանգապետի պաշտոնում նա լիովին վեր հանեց իր կազմակերպչական փառանքը, ազգային-պետական մրաժեղակերպն ու անխորակալ ոգին: Մինչ այդ իրեն որպես հատուկ հասարակական-քաղաքական և կուսակցական գործիչ դրսևորած Արամ Մանուկյանը նահանգապետի պաշտոնում պետական գործչին հասնելով մրաժեղությամբ, շրջահայացությամբ ու հետևողականությամբ ձեռնամուխ եղավ նահանգի իշխանության մարմինների ձևավորման, նահանգի հայության անվտանգության ապահովման, քրեականության վերականգնման, սովի կանխման, օրինականության ապահովման և մյուս հրապարակապետների լուծմանը:

Նրա գլխավորությամբ կարճ ժամանակում ձևավորվեց նահանգի եւ՝ կառավարման համակարգը՝ իշխանության օրենսդիր ու գործադիր, կենտրոնական և տեղական մարմիններով, եւ՝ վարչական կառուցվածքը: Գործադիր մարմիններն էին՝ ոստիկանական տեսչությունը, կալվածական-գաղթականական, տնտեսական մարմինները, քաղաքապետական վարչությունը, դատարանը, գավառային վարչությունը և այլն⁴: Նրանց աշխատանքները գլխավորում էր Նահանգային վարչությունը: Նահանգի օրենսդիր մարմնի գործառնությունը իրականացնելու համար ձևավորվեց Վարչական խորհուրդ: Այն մշակելու էր օրինագծեր՝ ենթարկելով նահանգապետի վավերացմանը, որն ուներ վերջինի իրավունք⁵: Ինչպես Վարչական խորհրդի, նույնպես և Նահանգային վարչության նախագահը նահանգապետն էր, որի կողմից ընտրվում էին այդ մարմինների եւ՝ անդամները, եւ՝ նախագահները: Ընդհանուր և մասնագետ քննիչների միջոցով նահանգապետը հսկելու էր հիշյալ մարմինների աշխատանքը: Փաստորեն Արամի ձեռքում կենտրոնացվեց նահանգի գործադիր և օրենսդիր ողջ իշխանությունը:

Արդեն նահանգի կառավարության ձևավորման ժամանակ նա իրեն դրսևորեց որպես պետական մրաժեղ և գործիչ: Առաջնորդվելով հայ ժողովրդի շահերով՝ նա հանդես բերեց ապակուսակցական մտրեցում և կառավարության մեջ ընդգրկեց ներկայացուցիչներ բոլոր կուսակցություններից, ինչպես նաև անկուսակցականների՝ հիմք ընդունելով բացառապես նրանց բանիմացությունը⁶: Բազում առիթներով Արամի հասցեին քննադատական խոսքեր ուղղած ռամկավար ազդեցիկ գործիչ Ա. Թերզիբաշյանն ընդգծել է, որ Արամը պաշտոնյաներ նշանակելիս դրսևորել է անաչառ մտրեցում: Այդ կարծիքն է հայտնել նաև Գուրգեն Մահարին:

4 Տե՛ս ՎԱԱ, ֆ. 242, ց. 1, գ. 39, թ. 7: «Բանբեր Վայսարանի արխիվներին», Երևան, 1969, թ. 1, էջ 212:

5 Տե՛ս ՎԱԱ, ֆ. 242, ց. 1, գ. 48, թ. 2:

6 Տե՛ս Ա. Ասրյան, Արամ Մանուկյան, կյանքը և գործը (Ազատագրական շարժման և անկախ պետականության վերականգնման ուղիներում), Երևան, 2009, էջ 123:

Նահանգի իշխանության կենտրոնական մարմինների ձևավորմանը գուցենթաց ձևավորվեց նահանգի վարչական կառուցվածքը, ի դեմս գավառապետությունների: Վասպուրականի տարածքը բաժանվեց 14 գավառ-գավառակների: Ձևավորվեցին գավառապետությունների կառավարման մարմիններ՝ նահանգապետի կողմից նշանակված գավառապետների գլխավորությամբ: Գավառապետությունների վրա դրված էր ծանր բեռ և մեծ պատասխանատվություն. նրանք անմիջական գործադրողներն էին ինչպես բնակչությանը հուզող տարաբնույթ խնդիրների, այնպես էլ նահանգապետարանի կողմից առաջադրվող ծրագրերի: Այդ առումով առանձնահատուկ դեր էր վերապահված գավառային վարչությանը, որը որպես նահանգի կենտրոնական իշխանության մեկ օղակ, մշտապես ապահովում էր հարաբերությունները կենտրոնի և գավառապետությունների միջև՝ ուղղորդելով վերջիններիս աշխատանքները: Վան քաղաքը կառավարում էր նահանգապետի կողմից նշանակված քաղաքապետը:

Առաջնային խնդիրներից էր նահանգի հայության անվտանգության հարցը: Նահանգի անվտանգությունը թշնամիներից, ամենից առաջ քրդերից ապահովելու համար ստեղծվեցին ինքնապաշտպանական խմբեր, որոնցում ընդգրկվեց շուրջ հազար մարդ: Նրանք նախ կամավորների հետ, ապա՝ ինքնուրույն կարողացան չեզոքացնել քրդական վրանգը: Ի հարկին, այդ գործին էին ուղղվում նաև գավառների ոստիկանության ուժերը:

Այլևայլ, բայց հարկապես քրդերի վերադարձի առնչությամբ առկա էին լուրջ տարակարծություններ նահանգապետ Արամի և ռուսական հրամանատարության միջև: Եթե Արամը ձգտում էր ամեն կերպ խտիմանել քրդերի վերադարձը՝ ոչնչացնելով կամ շահագործելով նրանց կալվածքները, ապա ռուսական հրամանատարությունը հատուկ հրամանով որոշել էր թույլատրել ռուսական հպատակությունն ընդունած քրդերի վերադարձը նահանգի տարածք և նահանգի հայությունից պահանջում էր չհարձակվել քրդերի վրա, ավելին, նահանգապետից էլ պահանջում էր ապահովել նրանց անվտանգությունը⁷:

Ելնելով հայության շահերից՝ Արամը փորձեց կանխել այդ որոշման կենսագործումը: Ռուսական բանակի հրամանատարությանն ուղղված գրություններում մատնանշելով 1914թ. աշնանը և ձմռանը հայերի նկատմամբ քրդերի ոճրագործությունները և թուրքերի հետ համատեղ գործողությունները ռուսական զորքերի դեմ՝ Արամը գրում էր, որ նրանց հարկ է դիպել որպես ռազմագերիների՝ դրանից բխող հետևանքով և կամ նրանց մեջ տեսնել սովորական հանցագործների և պատմել: Նա աշխատում էր հրամանատարությանը համոզել, որ քրդերի վերադարձով կխախտվի անդորրը Վանում այն պարզ պարճառով, որ ջարդված և կոդակաված հազարավոր հայերի հարազատները չէին կարող անտարբեր մնալ իրենց թշնամիների հանդեպ: Նա իրավացիորեն նշում էր, որ թույլատրել քրդերին վերադառնալ՝ կնշանակի, թե կարելի է անպարիթ կերպով կողոպտել և սպանել հայերին, որը վերջիններիս՝ Թուրքիայում «ռուսական զենքի հաջողության միակ անկեղծ կողմնակիցների» մոտ կառաջացնի ծանր հիասթափություն

7 Տե՛ս ՂԱԱ, ֆ. 242, ց. 1, գ. 39, թ. 42, ֆ. 503, ց. 1, գ. 62, թ. 6:

Ռուսաստանի հանդեպ: Իր մտքերն ազդու դարձնելու նպատակով Արամը համարձակորեն նշում էր, որ որոշման գործադրման դեպքում ինքը չի կարող իր վրա պատասխանավորություն վերցնել Վանի շրջանում հանդարտության և օրինակարգի համար⁸. դա ցարական միապետության պայմաններում մեծ հանդգնություն էր:

Արամը հերետոքական քայլեր ձեռնարկեց փոփոխության վերականգնման ուղղությամբ: Իրականացված քայլերից առաջնայինն ու կարևորագույնը, թերևս, գյուղատնտեսական աշխատանքների վերակառուցումն էր, որի շնորհիվ ժողովուրդը կստանար աշխատանք և, միաժամանակ, կհաղթահարեր սովի վրանը: Այդ նպատակով կենտրոնացվեցին նահանգում եղած գյուղատնտեսական գործիքները, դրսից ներկրվեցին գերանդիններ և անվճար բաժանվեցին ժողովրդին, Կովկասում պատվիրվեցին հնձող և կալսող մեքենաներ: Պարենային խնդիրը լուծելու, ինչպես նաև թուրք և քուրդ բնակչության վերադարձը կանխելու համար Արամն անհրաժեշտ համարեց մշակել նրանց կողմից լքված արտերը: Այս հարցում նա դարձյալ հանդիպեց Վանի պարեռի ընդդիմությանը, սակայն, կարողացավ հաղթահարել այն⁹:

Ավերված փոփոխության վերականգնմանը միավորված կարևոր քայլ էր նահանգից հեռացած թուրքերի ու քրդերի փնտրումը, հողամասերի ու այգիների աճուրդը, քանզի մի կողմից նահանգապետության գանձարան էին մտնում դրանց վաճառքից գոյացած գումարները, որոնք ուղղվում էին փոփոխության և այլ կարիքների լուծմանը, մյուս կողմից՝ նոր փոփոխություններ էին կազմվում, որը ևս նշանակում էր հայրենիքի վերաշինության արագացում:

Նահանգապետությունը կարարեց հնարավորինը ժողովրդի ծանր դրությունը մեղմելու, հարկապես սով թույլ չտալու և համաճարակները կանխելու ուղղություններով: Քանի որ նահանգապետության միջոցները սուղ էին, Արամը օգնության խնդրանքով դիմեց թե՛ նահանգի ժողովրդին՝ հայցելով նրա աջակցությունը, թե՛ Կովկասի և գաղութների հայությունը¹⁰: Առանձին գրությամբ Արամը խնդրեց նաև Ամենայն Նայոց կաթողիկոս Գևորգ Ե.-ի աջակցությունը¹¹: Օգնությունն անհրաժեշտ էր նկատվում ոչ այնքան փվյալ պահի, որքան ձմռան պահուստը կուրակելու համար: Ի պատիվ դրսի հայության՝ օգնությունն առաքվեց ժամանակին: Այս խրոջությունը ևս խոսում է Արամի հեռավորության մասին:

Նպատակ ուշադրություն դարձվեց ժողովրդի շահերի պաշտպանությանը ռուս զինվորականությունից: Բանն այն է, որ զինվորական իշխանությունը հաճախ դիմում էր ապօրինիությունների, գյուղերից ձրի վերցնում էին սննդամթերք, վնասում էին արտերն ու այգիները, հայերից առգրավում էին գները: Ներկայումս աշխատանքի շնորհիվ Արամին հաջողվեց մեղմել ռուս զինվորականների ապօրինի արարքները: Արամը, փորձելով ինչ-որ չափով պաշտպանել հայոց շահերը, գների արտոնագրեր էր տալիս դրա կարիքը

8 Տե՛ս անդ, ֆ. 242, ց. 1, գ. 39, թ. 45-47:

9 Տե՛ս ՄԱԿ, ֆ. 242, ց. 1, գ. 10, թ. 46:

10 Տե՛ս «Մշակ», 1915, հուլիսի 9, N 147:

11 Տե՛ս Մ. Ավերիսյան, Փաստաթղթեր Արամ Մանուկյանի պետական գործունեության մասին. «Բաները Նայաստանի արխիվներին», 1990, թ. 2, էջ 137-138:

գզացող բնակիչներին¹², որը նրանց հնարավորություն էր ընձեռում վերահասարակարկի քողերի ներխուժման վրանգին ենթակա իրենց բնակավայրերում:

Լուրջ ուշադրություն դարձվեց նաև իրավակարգի ապահովմանը: Արդեն մայիսի 8-ին հրապարակած հրահանգով արգելվեց հրագների գործադրումը, ոգելից խմիչքների վաճառքը գործերին, լքված տների ինքնագլուխ զբաղեցումը, ապօրինի ծառահատումները և այլն¹³: Այս մոտեցումը կարևոր էր նաև գինացրավումները կանխելու առումով, քանզի դրանք հաճախ պարճառաբանվում էին հայերի կողմից իրականացվող անրեղի կրակոցներով: Գողությունները և անիշխանական այլ քայլեր կանխելու համար բնակիչներին խստագույնս արգելվեց գինվորներից գնել որևէ ապրանք, իսկ հայ կապալառուներին՝ ապօրինի յուրացնել լքված մահմեդական գյուղերի հացահատիկը և մյուս ապրանքները¹⁴: Պեպրական ավանդույթների բացակայության և պեպրական մեխանիզմների նոր ձևավորման պայմաններում Արամը հարկադրված էր մեծ ուշադրություն դարձնել նաև բնակչության շահերի պաշտպանությանը պաշտոնեության չարաշահումներից¹⁵: Մասնավորապես, հուլիսի 6-ի շրջաբերականով նա պաշտոնեությանն արգելեց առանց սրացականի քաղաքացիներից որևէ գումար գանձել, իսկ վերջիններին իրավունք էր տրվում այդպիսի դեպքերում վճարում չկատարել¹⁶:

Նահանգապետության, անձամբ Արամի հոգածության ներքո էր գտնվում նաև եկեղեցին: 1915թ. ընթացքում ավերված և կողոպտված եկեղեցիներն ու վանքերն ազատվեցին թուրքական պետության կողմից գանձվող փութերից, նրանց հարկացվեց նյութական օգնություն, ինչը նրանց հնարավորություն տվեց ուրբի կանգնել:

Արամի սրտացավությունը ժողովրդի ճակատագրի հանդեպ բարձրացնում էր նահանգապետության վարկը ժողովրդի աչքին և, միաժամանակ, ապահովում նրա աջակցությունը իշխանություններին, որը կարևոր պայման էր նահանգապետության ամրապնդման համար:

Նկրապնդվելիք խնդիրներն իրագործելու նպատակով 1915թ. մայիսի 1-ից դեկտեմբերի 31-ն ընկած ժամանակահատվածի համար կազմվել էր նահանգապետության բյուջե՝ 178.340 ռուբլի գումարով: Բյուջեի մուտքերը պիպի գոյանային Վանում և արվարձաններում գործող 1250 առևտրականներից և արհեստավորներից գանձվող եկամտահարկից, փաստորդից, ոչխարի փութերից, լքված կալվածքների շահագործումից սրացված եկամուտներից և այլն:

Արամն ընդհանուր և մասնագետ բնակիչների միջոցով վերահսկում էր նահանգապետության մարմինների աշխատանքը և բացահայտում թերությունները: Նրանք պարզել էին, որ նույն արարքի համար ոստիկանությունը երբեմն նշանակում էր փարբեր փողգանքներ, հստակ չէր գործավարությունը, փոքրեական մարմինը թերառում էր աճուրդների կազմակերպման հարցում, այն է՝ երբեմն աճուրդի դրված առարկան վաճառվում

12 Տե՛ս ՎԱԱ, ֆ. 242, ց. 1, գ. 2, թ. 8; գ. 16, թ. 2-3:

13 Տե՛ս անդ, գ. 43, թ. 1:

14 Տե՛ս անդ, թ. 12:

15 Տե՛ս Ա. Ասրյան, նշվ. աշխ. էջ 131:

16 Տե՛ս ՎԱԱ, ֆ. 242, ց. 1, գ. 43, թ. 9:

Էր արժեքից մի քանի անգամ էժան գնով: Որոշակի բացթողումներ կային եկամուրների աղբյուրների հաշվառման և բյուջեի մուտքերի ավելացման գործում¹⁷: Էականը, սակայն, այն է, որ նահանգապետ Արամը իրականացնում է քայլեր եղած թերությունները շտկելու, նահանգի իշխանության մարմինների գործունեությունը կանոնավորելու ուղղությամբ:

Ձեռնարկված միջոցառումների շնորհիվ Վանի հայկական նահանգապետությունն օր-օրի ամրապնդվում էր: Դժբախտաբար, նահանգապետությունը երկար կյանք չունեցավ, ընդամենը 72 օր:

Արամի պետական մրաժողությունն ու գործունեությունը հերթական անգամ դրսևորվեցին հուլիսյան գաղթի օրերին: Երբ Վանում հայրնի դարձավ ռուս-թուրքական Կովկասյան ռազմաճակարից ռուսական զորքերի՝ հուլիսի 11-ից սկսած նահանջի մասին, Արամը, հանդես բերելով ազգային-պետական մրաժողություն, հայրենասիրություն, հայրենիքն աղերից փրկելու նպատակով ընդունեց դիմադրության կազմակերպման ծանր և պարասխանաբար գործը¹⁸: Նա հրավիրեց Ապրիլյան հերոսամարտի ավելի քան 1000 մասնակիցների խորհրդակցություն, հայրաբարեց 17-45 տարեկան տղամարդկանց հավաքագրում, կապվեց ռուսական հրամանադրության հետ՝ փորձելով նրանից զենք-զինամթերք ստանալ թուրքերին դիմադրություն կազմակերպելու նպատակով, նույն նպատակով քայլեր ձեռնարկեց հայ կամավորական ջոկատները Վանում կենտրոնացնելու համար, պարբերաբար էլ Կովկասից խնդրել՝ արագացնելու նոր կամավորական ջոկատների առաքումը: Սակայն գաղթի կասեցումը նրա և հայրենանվեր մյուս գործիչների ուժից ու կամքից վեր էր:

Արամի հերոսողական գործունեությունը ազգային գործիչներով համալրված նահանգի կառավարման համակարգ սրելով, վարչական կառույցների միջոցով նահանգապետության կյանքը կազմակերպելու, ժողովրդի առջև ծառացած խնդիրները լուծելու, այդ թվում նահանգապետությունը թշնամիներից պաշտպանելու, հուլիսյան գաղթը կանխելու ուղղությամբ, ինչպես նաև մուրեցման բնույթի այդ խնդիրների լուծմանը, առանց վարանելու, եթե, իհարկե, չկառչենք տերմինաբանական քարացած ձևակերպումներից, կարելի է բնութագրել որպես պետական գործունեություն, իսկ Վանի նահանգապետությունը հայոց նորագույն անկախ պետականության նախափուլ: Նահանգապետության շրջանում ձեռք բերած այդ փորձն Արամն օգտագործեց ի նպաստ Նայասարանի Առաջին Հանրապետության սրելոծման և ամրապնդման:

Հարկադրաբար 1915թ. հեռանալով Վանից՝ Արամը մինչև 1917թ. դեկտեմբեր ակտիվորեն մասնակցեց Կովկասում եռացող ազգային-քաղաքական կյանքին:

1917թ. ռուսական հեղափոխությունների հետևանքով ռուսական Կովկասյան ռազմաճակարի քայքայումը թուրքական ներխուժման սպառնալիքի տակ դրեց ոչ միայն Արևմտյան, այլև Արևելյան Նայասարանը: Նայության առջև հրամայաբար ծառացավ հայոց բնօրրանի արևելյան հատվածի զգալի մասը զբաղեցնող Երևանի նահանգում ուժեղ իշխանություն սրելով, Հայկական կորպուսը ձևավորելու նպատակով նահան-

17 Տե՛ս անդ, ֆ. 242, ց. 1, գ. 14-ի II մաս, թ. 183, 169-176:

18 Տե՛ս Ա. Ասրյան, նշվ. աշխ., էջ 142-143:

գում կազմակերպված գորահավաք իրականացնելու, 100 հազարավոր արեմտահայ փախստականների խնամքը հոգալու և այլ հրապարակ խնդիրներ: Նայ ժողովրդի համար բախտորոշ այդ պահին՝ 1917թ. դեկտեմբերի 18-ին, Թ-իֆլիսի Նայոց Կենտրոնական Ազգային, Նայ զինվորական և Արեմտահայ Ապահովության խորհուրդների լիազորներկայացուցչի կարգավիճակով Երևան ժամանեց Արամը:

1917թ. դեկտեմբերից սկսվեց Արամի պետական գործունեության երկրորդ փուլը, որն ընդգրկում է մինչև 1918թ. մայիսի 28-ը՝ Նայասարանի Առաջին Նախապետության հռչակումն ընկած ժամանակաշրջանը: Երևանում Արամի ազգային պետական մրաժողությունն ու գործունեությունը որակական նոր դրսևորումներ ունեցան: Ինչպես Վան-Վասպուրականում, այնպես էլ Երևանում, գործելով բացառիկ պայմաններում, նա շարքառադ դարձավ կենտրոնական դեմք¹⁹:

Գիտակցելով փարածաշրջանում զարգացող ռազմաքաղաքական անցքերի հնարավոր բազմավարանգ հետևանքները հայ ժողովրդի համար՝ Երևան հասնելուն պես Արամն ուրվագծեց ժողովրդի պաշտպանությանն ու ազատությանը միավորված պարզ և իրարեսական մի ուղեգիծ, ըստ որի հայ ժողովուրդը սեփական ուժերով պետք է հանգուցարածեր իր առջև ծառացած խնդիրները: Նա ցուցաբերեց աներևակայելի կազմակերպչական փառանդ, զարմանալի շրջահայացություն ու նախաձեռնողականություն, երկաթյա կամք և բացառիկ հերետոյականություն՝ ժողովրդական գիտակցության մեջ սեփական ուժերի նկատմամբ հավասար ամրապնդելու և համազգային շարժում կազմակերպելու համար²⁰:

Արամը, որպես հասուն քաղաքական-պետական մրաժող, որն արդեն իսկ ուներ պետական գործունեության որոշակի փորձ, գիտակցելով, որ միայն բարի կամքն ու ցանկությունները, հոգեցունց կոչերը, գեղեցիկ հայտարարությունները, ինչպես նաև մեկ մարդու կամ մի խումբ մարդկանց ուժերը բավարար չեն հայության առջև ծառացած հսկայածավալ խնդիրները լուծելու համար, և որ դրանց լուծմանը կարելի է հասնել միայն լավ կազմակերպված և համակարգված աշխատանքով՝ անմիջապես ձեռնամուխ եղավ երկրամասի իշխանության իրապես գործող մարմինների սրբեղծմանը, ինչպես նաև արդեն իսկ գոյություն ունեցող, սակայն ամբողջական մարմնաված մարմիններին շունչ փախուցնելու գործին: Նրա գործունեության այս փուլը, ըստ էության, առաջին հերթին պետք է դիտարկել որպես պետականության բաղադրիչների ձևավորման փուլ: Կարելի է ասել, որ արդեն այս շրջանից Արամը ձեռնամուխ եղավ պետականաշինության բարդ գործին՝ որոշակի հիմքեր դնելով Նայասարանի Առաջին Նախապետության սրբեղծման համար:

Արամի առաջարկությամբ սրբեղծվեց Երևանի նահանգի իշխանության նոր մարմին՝ Երևանի Նայոց Ազգային խորհրդին հավասար իրավունքներով օժտված Նախուկ կոմիտե: Արամի ապակուսակցական ոգու շնորհիվ Երևանի Նայոց Ազգային խորհրդի և Նախուկ կոմիտեի շուրջը համախմբվեցին և անդուր աշխատանքի լծվեցին ամենքը, անկախ կուսակցական պարկանելությունից և գաղափարական համոզմունքներից:

¹⁹ Տե՛ս անդ, էջ 250:

²⁰ Տե՛ս անդ, էջ 162-198:

Նամակարգված աշխատանք փարվեց ցանկացած պետական կազմավորման համար մեկ այլ կարևոր բաղադրիչ՝ կանոնավոր գործի ստեղծման ուղղությամբ: Դրա համար հարկավոր էր անցկացնել կազմակերպված գործառնալաբ: Որպեսզի ստեղծվող բանակը լինեի նաև մարտունակ և հայրենասեր, անհրաժեշտ էր գորակոչել բոլորին, բացառել խուսափողների թիվը: Արամի անմիջական մասնակցությամբ վարչական կառույցները ծավալեցին բարոգչական լայն աշխատանք՝ ժողովրդին կոչ անելով խրաջանել հայրենիքի պաշտպանների շարքերը: Նպատակն էր կոմիտեն գորակոչ հայաբարեց: Ծավալվեց հեղհեղության աշխատանք 20-32 տարեկան բոլոր զինապարսներին հավաքագրելու համար: Այդ գործը հաջողությամբ ընթացավ ժողովրդական լայն զանգվածների բարձր գիտակցության շնորհիվ: Ընդգծելի է այն հանգամանքը, որ այդ գործին մասնակից էին դարձվում թե՛ ներքին գործերի բաժինը, թե՛ արևելյան իշխանության մարմինները: Նայելական գործի ձևավորման գործը արդյունավետ էր ուղղակիորեն կապված երևանյան իշխանությունները, հավաքաբիմ իրենց խոսքով, միջոցներ ձեռնարկեցին գորակոչվողների ընտրանքների կարիքները հոգալու ուղղությամբ: 1918 թ. հունվարի 12-ին Նպտակ կոմիտեն որոշեց մինչև ազգային ու պետական միջոցների գոյացումը այդ գործը դնել գյուղական համայնքների վրա: Պարտավորություններից խուսափողները ենթակա էին պարտախանարվության և վճարելու էին կրկնակի: Այդ կերպ գորակոչվողներն ազատվում էին այն մարտունակությունից, որ իրենց ընտրանքները կարող են մարմնավել սովի և այլ զրկանքների: Ներհեղական քայլերի շնորհիվ 1918 թ. մարտի սկզբին Նայելական կորպուսի երկրորդ դիվիզիան, նույն ինքը՝ Երևանյան գորաջոկապը, հիմնականում կազմավորվել էր²¹:

Ինչպես հայկական գործի ստեղծման, այնպես էլ Երևանի նահանգի անվտանգության ապահովման և նահանգում կարգուկանոնի հաստատման պետական ղեկավարները էր թաթարական (ներկայումս՝ ադրբեջանցիներ) հակապետական խռովությունների ճնշումը: Արամի և Դրոյի գլխավորությամբ ծավալված վճռական և անզիջում պայքարի շնորհիվ միայն 1918թ. առաջին եռամսյակում հնազանդեցվեցին 50-ից ավելի թաթարական գյուղեր: Արամը, որպես հեռավոր թաթարական գործիչ և պետական մարմն, չբավարարվեց միայն նրանց հնազանդեցմամբ, այլ վարեց երկիրը այդ թշնամական փորձից մաքրելու թաթարականություն: Այդ կերպ միաժամանակ լուծվում էին նաև ցեղասպանությունից մազապուրծ հայ փախստականների պետավորման հարցերը:

Օգտվելով երկրում ստեղծված ծանրագույն իրավիճակից՝ աշխուժացել էին նաև հայ անիշխանական փորձերը: Սկզբնավորվել էր մի շարժում, որը հայրենի է մատուցելիզմ անուղղակի: Մատուցելիզմի գործողությունների հեղհեղությամբ նահանգում ծաղկում էր թալանչիությունը, վրանգվում կյանքի և գույքի ապահովությունը, ընկնում էր արևելյան իշխանության հեղինակությունը ժողովրդի շրջանում: Արամն անզիջում պայքար ծավալեց նաև անիշխանական և օրինազանց փորձերի դեմ: Դա խիստ կարևոր էր Երևանյան իշխանությունների հեղինակությունը ժողովրդական զանգվածների

21 Տե՛ս ՎԱԱ, ֆ. 121, ց. 2, գ. 84, թ. 5. Ա. Նաթուրյունյան, Թուրքական ինտերվենցիան..., էջ 137:

շրջանում բարձր պահելու և երկրի առջև ծառացած խնդիրները լուծելու հարցում նրանց աջակցությունը ստանալու համար:

Արդեն այս շրջանից Արամի մոտ փոխվում ենք մի կարևոր գիծ: Նախնա ազգային շահերի ևս երբեմն շրջանցում էր օրենքը՝ իր վրա վերցնելով ողջ պարասխանադավությունը: Այս կապակցությամբ բնորոշ է ավագակային փարքերի պարագլուխ Չոլախ Գևորգի մահապարիժը: Երբ բազմաթիվ նախագծաշարժումներից հետո Չոլախ Գևորգը չգաղաքացիացրեց իր չարագործությունները և նույնիսկ ըմբոստացավ իշխանությունների դեմ, Արամը կարգադրեց գնդակահարել նրան²²: Այդ կարող էր թայր կարևոր դեր ունեցավ հանցագործությունների գսպման և նախանգամ կարգուկանոնի հաստատման համար:

Արամի պետական մրաժողության, հայրենիքի շահը ամեն ինչից վեր դասելու արարահայրություններից է նաև այն, որ նրա համար հայրենիքի փրկության ճանապարհին չկար որևէ, այդ թվում և գաղափարական-քաղաքական խռնդոց: Նա, թուրքերի առաջխաղացումը կասեցնելու համար, այլ գործիչների հետ բռնեց խորհրդային Ռուսաստանի հետ համագործակցելու ուղին: Դա այն դեպքում, երբ այնպեղ իշխող բոլշևիկյան կուսակցությունը ՏՅ դաշնակցության գաղափարական-քաղաքական հակառակորդն էր: Նաև Արամի ջանքերով ընդունվեց հայ-բոլշևիկյան համագործակցության ծրագիր, ըստ որի Արևմտյան Ղաջաստանը լինելու էր անկախ, իսկ Արևելյան Ղաջաստանը ամբողջ Կովկասի հետ միասին հայ-բոլշևիկյան ուժերով խորհրդայնացվելու էր:

Կովկասյան ռազմաճակատում 1918 թ. հունվարի 28-ից հարձակման անցած թուրքական բանակի՝ Արևմտյան Ղաջաստանը գրավելն ու մոտենալը Արևելյան Ղաջաստանին, հայության առջև հրամայական անհրաժեշտություն դարձրեց Երևանի նահանգի իշխանության հետագա ուժեղացումը: 1918 թ. մարտի 24-ին Երևանի բնակչությունը, գորքը և Ղաջոց Ազգային խորհուրդը Արամին ընտրեցին Երևանի նահանգի դիկտատոր՝ նրան օժտելով անսահմանափակ լիազորություններով: Պարտության մեջ, թերևս, բացառիկ դեպքերից էր, երբ ժողովուրդը կամովին ընտրեց դիկտատոր, որն իր իշխանությունը մինչև վերջ օգտագործեց բացառապես հոգուր համազգային շահերի, երբեք չփորձեց իրեն վեր դասել ազգային-քաղաքական, վարչական ու զինվորական կառույցներից:

Արամը լավ էր հասկանում, որ միայնակ ոչնչի հասնել հնարավոր չէ, որ հայրենիքի փրկությունը կախված է ժողովրդի հավաքական կամքից ու կարևորում էր վերջինիս պարասխանականությունը նվիրվելու ընդհանուր գործին, ուստի անընդհատ փորձում էր բարձրացնել նրա խանդավառությունը: Նա նշում էր. «...դուք պիտի իմանաք, որ ես անույժ եմ առանց ձեզ: Ներսը ինքը ժողովուրդն է և եթե ժողովուրդը պարասխանականություն ունի... աշխատել ու փրկել հայությունը վերահաս կործանումից, ապա իմ ու ինձ նման շարքերի աշխատանքը ապարդիւն չի անցնի»²³: Դիկտատորի պաշտոնը ստանձնելուց քիչ անց, 1918թ. մարտի 28-ին Արամը ժողովրդին դիմեց մի կոչով, որը միաժամա-

22 Տե՛ս Բժ. Յովակիմ Մեղիքեան, Արեան ճանապարհով. «Ղալքենիք», 1925, փետրվար, թ. 4, էջ 85. Ա. Ասլյան, նշվ. աշխ. էջ 173:

23 «Զանգ», 1918, մարտի 27, թ. 24:

նակ գործունեության համապարփակ ծրագիր էր՝ միավորված ռազմաճակատի ամրապնդմանը, նահանգում ամուր իշխանության և կարգուկանոնի հաստատմանը: Գոյրեպնդված իր հանդեպ ցուցաբերված բացառիկ վստահությունից, մեկ անգամ էս հայտարարելով, որ քաղաքացիական ու զինվորական մարմինները պահպանելու են իրենց դերը, իսկ իր անելիքը լինելու է դրանց համակարգումն ու աշխատանքների արագացումը, Արամը հստակորեն սահմանեց նրանց անելիքները: Ժողովրդին ուղղված Արամի կոչն ավարտվում էր հեպտայա խոսքերով. «Յոյց քանի աշխարհին, որ Նայը ազար անկախ ապրելու իրաւունք ունի: Այժմ կամ երբէք»²⁴: Արամի ներկայացրած ծրագրի հստակությունը, անկախության գաղափարը գործնականացնելու կոչը, անշուշտ, խոսում են նրա լայն մրախորիզների, պետական մրաժողության, ժամանակաշրջանի մարտահրավերները ճիշտ բնկալելու և ճիշտ աշխատելու կարողության մասին:

Արամի ջանքերը գերագույն լարման հասան 1918 թ. մայիսին, երբ թուրքական զորքերը 1918 թ. մայիսի 21-ին գրավեցին Երևանից 30 կմ հեռու գտնվող Սարդարապատ կայարանն ու գյուղը, և ամբողջ սրությամբ դրվեց հայ ժողովրդի լինել-չլինելու հարցը: Թշնամու չորսամսյա հաղթարշավը հայ քաղաքական շրջանակներին, զորքին, զորահրամանատարությանն ու բնակչությանը մարնել էր հուսալքության և անորոշության: Բացի այդ, մեր հարևանները փորձում էին օգտվել հայ ժողովրդի համար սրելով ծանր իրադրությունից և Գերմանիայի ու Թուրքիայի աջակցությամբ փրկանալ հայկական տարածքներին: Փաստորեն, հաստատվում էր դեռևս 1917թ. դեկտեմբերին Արամի առաջադրած քաղաքական ուղեգծի ճշմարտացիությունը, որ հայ ժողովուրդը միայնակ է և միայնակ էլ պետք է լուծի իր առջև ծառացած խնդիրները:

Ժողովրդի մեջ իշխող պարավոլական տրամադրությունները, որոնք հանգում էին նույնիսկ Ս. Էջմիածնից ու Երևանից նահանջելու անհեթեթ մտքին, անխուսափելիորեն նրան տանելու էին դեպի կործանում, եթե չճշմարտվեին արմատական հակամիջոցներ: Այդ ծայրահեղ, թվում է, թե անհուսալի իրավիճակում ցուցաբերելով կազմակերպչական մեծ ունակություններ, շրջահայեցություն, թշնամուն հակահարված հասցնելու աներկ վճռականություն, մեծագույն եռանդ ու լավարեսություն՝ Արամը կարողացավ անորոշության մարնված և հուսալքված ժողովրդի ու զորքի մեջ ամրապնդել հավասար սեփական ուժերի նկարմամբ, և կազմակերպվեցին Սարդարապատի և Ապարանի հաղթական հերոսամարտերը, որոնք հայ ժողովրդին ոչ միայն փրկեցին վերջնական բնաջնջումից, այլև ապահովեցին հայոց անկախ պետականության վերականգնումը²⁵: 1918թ. մայիսի 28-ին սրելով կեց Նայասարանի Առաջին Նանրապետությունը: Նայասարանի Նանրապետության սրելով ծանր համար մեծապես պարտական ենք Արամին և ամենևին էլ պարտահական չէ, որ նա արժանացել է ՆՏ հիմնադրի կոչմանը:

Նայասարանի անկախության վերականգնումից հետո սկսվեց Արամի պետական գործունեության (արդեն նաև եզրաբանական իմաստով) երրորդ փուլը:

Ճիշտ է, 1918թ. մայիսի 30-ին Թիֆլիսի Նայոց Ազգային խորհուրդն իրեն հռչակել էր նորանկախ Նայասարանի գերագույն իշխանություն և նրա քաղաքական ու վարչական

24 ՆԱԱ, ֆ. 289, ց. 1, գ. 9, թ. 1. Կ. Սարգսյան, Պարտություն և իրականություն, Երևան, 1991, էջ 15-16:
25 Տե՛ս Ա. Ասրյան, նշվ. աշխ., էջ 251:

դեկը վարելու համար սպանվելու կառավարական գործառնությունները²⁶, սակայն մի շարք պարագայերում թե՛ նրա և թե՛ նրա հանձնարարությամբ Ն. Բաջազյանի կողմից ձեռավորվող ՆՏ կառավարության ժամանումը Երևան մոտ էր և ամիս ձգվում էր:

Նորանկախ Նայասպանի դժնդակ կացությունը թելադրում էր անհապաղ սրելովել պետական իշխանություն և արևելյան երկրի ու ժողովրդի ճակատագրին: Այսպիսի իրավիճակում Արամն անմիջապես լծվեց աշխատանքի՝ Նայասպանի անկախությունը գործնականացնելու և պետականության հիմքերը դնելու ուղղությամբ: 1918թ. հունիսի կեսերին Արամի նախաձեռնությամբ սրելովել Նայասպանի ժամանակավոր կառավարությունը Երևանի Ազգային խորհրդի Վարչությունը, որը պետք է գործեր մինչև ՆՏ անդրանիկ կառավարության ժամանելը Երևան²⁷: Գրականության մեջ առավելապես Վարչության մարմին անունով հայտնի այս օղակին պետք է ենթարկվելին երկրի պետական և հասարակական բոլոր հիմնարկությունները:

Երևանի Նայոց Ազգային խորհրդի Վարչության նախագահը և զինվորական բաժնի վարիչը Արամ Մանուկյանն էր, թեև վերջին պաշտոնից նա ամեն կերպ փորձեց խուսափել²⁸: Փաստորեն դարձյալ Արամի ձեռքում էր կենտրոնացվում երկրի գործադիր իշխանությունը: Նայասպանի Առաջին Հանրապետության պետական գործիչներից Ա. Բաբայանը հանրապետության առաջին օրերի մասին գրելիս նկատել է. «Արամն էր, որ փաստորեն կառավարում էր երկիրը: Իբրև լիազոր Ազգային խորհրդի, նա կազմակերպել էր վարչությունները և սպասում էր նորընտիր կառավարության և Ազգային խորհրդի Երևան փոխադրվելուն»²⁹: Վարչությունն ուներ զինվորական, ներքին գործերի, պարենավորման, ֆինանսների և այլ բաժիններ: Նրանց ձեռավորման ժամանակ հերթական անգամ Արամը դրսևորեց ապակուսակցական մոտեցում: Լինելով ՆՅ դաշնակցության ղեկավար գործիչներից՝ նա ներգրավեց բոլոր կարող ուժերին՝ անկախ կուսակցական պարկանելությունից:

Երևանի Վարչությունը ձեռնամուխ եղավ ռազմական, վարչական, ընկերային-արտեսական և այլ հրապարակային խնդիրների լուծմանը³⁰: Համակարգված աշխատանքներ կատարվեցին երկիրը թուրքական ուրնագություններից պաշտպանելու, վարչական մարմին, միլիցիայի և պետական մյուս հաստատությունների ամրապնդման, իրավակարգի հաստատման, պարենային ճգնաժամը մեղմելու ուղղություններով:

Պետական հաստատությունների գործունեությունը կանոնավորվում էր, միաժամանակ, պետության սուղ միջոցների վարմամբ կանխելու նպատակով Երևանի Ազգային խորհրդի 1918 թ. հունիսյան որոշումներից մեկով լուծարվում էին Թուրքիային անցած տարածքների պետական հաստատությունները, իսկ նրանց աշխատակիցներն ազատվում էին աշխատանքից: Որոշումն ուներ մի կարևոր կետ. նրանք, ովքեր աշխատում էին ոչ իրենց շրջանում, բայց Նայասպանի տարածքում, նաև նրանք, ովքեր չէին կարողա-

26 Տե՛ս «Նայասպանի Հանրապետությունը 1918-1920թթ.», (Քաղաքական պատմություն): Փաստաթղթերի և նյութերի ժողովածու, Երևան, 2000, էջ 18:

27 Տե՛ս «Արամ» Երևանի Նայոց Ազգային խորհրդի, Երևան, 1918, հուլիսի 9, թ. 2, հուլիսի 23, թ. 6:

28 Տե՛ս Ա. Արթուրյան, նշվ. աշխ., էջ 211-212:

29 Ա. Բաբայան, Էջեր՝ Նայասպանի անկախության պատմությունից, Գահիրե, 1959, էջ 8:

30 Տե՛ս Ա. Արթուրյան, նշվ. աշխ., էջ 210-218:

ցել Կրեդալիովիչը իրենց աշխատավայրեր՝ հուլիսի 1-ից ստանալու էին վեցամսյա վարձավարություն: Իսկ ահա իրենց մեղքով աշխատանքի չներկայացածները հեռացվելու էին աշխատանքից:

Իրականացվում էին քայլեր նորանկախ երկրի ճակատագրի և իրենց զբաղեցրած դիրքի նկատմամբ պաշտոնյաների պատրաստանալությունը բարձրացնելու ուղղությամբ: Մասնավորապես, Ղամբարյուի Կրեդամասի կոմիսար Գ. Մադոյանցն աշխատանքից հեռացվել էր այն բանի համար, որ 1918 թ. հունիսին այդ շրջանի էվակուացիայի ժամանակ առաջինն էր լքել շրջանը, որի պատճառով գրասենյակը կողոպտվել էր:

Կորյուկ քայլեր ձեռնարկվեցին փարաբեռային օրինախախտումների, անիշխանական դրսևորումների առաջն առնելու ուղղությամբ: Մասնավորապես, կարգի հրավիրվեցին Նոր Բայազետի գավառի այն գյուղերը, որոնք չէին ճանաչում Երևանի Ազգային խորհրդի իշխանությունը, գործին չէին փրամադրում պարենամթերք և թաքցնում էին դասալիքներին:

Արամը և նրա կառավարությունը ոչինչ չէին թողնում ինքնահոսի, ամեն ինչի նկատմամբ ցուցաբերվում էր հիքալի պերական մոտեցում: Բնորոշ է հետևյալ օրինակը. Երևանի գավառային կոմիսարին հանձնարարվեց ձեռնարկել միջոցներ, որպեսզի Քանաքեռ գյուղի բնակիչները չնեղեն այսպեղ հասարակված փախստականներին: Այդ նպատակով սահմանվեց հասարակագրված ամսական վարձ փախստականների կողմից օգտագործվող սենյակների դիմաց, ինչպես նաև նրանց անատունները արտադրաբերում արածեցնելու կարգ:

Քայլեր կատարվեցին պարենային ճգնաժամը մեղմելու ուղղությամբ: Պարենային ծանր կացությունը ստիպեց 1918 թ. հուլիսի 9-ին երկրում սահմանել հացի պերական մենաշնորհ: Այս հարցում ես ցուցաբերվեց պերական մոտեցում: Նրապարակված որոշմամբ հստակորեն սահմանվեցին հացահատիկի հավաքման, հսկողության կարգը, պերականացված բերքի գինը և այլ հանգամանքներ: Գյուղացիների դժգոհությունը մեղմելու նպատակով նրանց էր թողնվում իրենց ընտանիքներին հարկավոր չափաբաժինը, իսկ մնացածը համապարասխան գնով, որից չպերք է քուծելին ո՛չ գյուղացին և ո՛չ էլ քաղաքացին, վերցնում էր պերությունը՝ բնակչության մնացած մասին ու գործին հարկացնելու համար: Ձեռնարկվեցին միջոցներ երկրի քրեատությունը հսկողության քակ պահելու և ֆինանսական սուղ միջոցները լրացնելու ուղղությամբ:

Քաջ գիքակցելով լրավության կարևորությունը պերականաշխության համար այդ բարդ ժամանակաշրջանում՝ հուլիսի 23-ին որոշվեց հիմնել պերական թերթ՝ «Երևանի Ազգային խորհրդի լրաքու»-ն: Ավելին, մամուլի գործունեությունը ինքնահոսի չմարներու նպատակով նույն օրը սքեղծվեց պարերազմական ժամանակի մամուլի վերաբերյալ հրահանգ մշակող հանձնաժողով: Որոշակի հսկողություն սահմանվեց հրապարակային ելույթների վրա, անշուք, ելնելով այն հայեցակերպից, որ իրականացվելիք ձեռնարկների հաջողությունն ամենից առաջ պայմանավորված էր հասարակական կալունությամբ:

Այսպիսով, Արամի գլխավորությամբ գործող Երևանի կառավարությունը Նայասքանի անկախության հռչակմանը հաջորդած երկու ամիսների ընթացքում զգալի աշխա-

դանք կատարեց Նայասպանի պետականաշինության ուղղությամբ, ապահովեց նրա կյանքի փարբեր ոլորտների ործունեությունն ու համեմատական կայունությունը³¹:

1918թ. հուլիսի 19-ին, Արամի վճռական պահանջից հետո միայն, Թիֆլիսի Նայոց Ազգային խորհրդի և Ն. Քաջագնունու կառավարության անդամները ժամանեցին Երևան³²: Հուլիսի 20-ին Երևանի և Թիֆլիսի Նայոց Ազգային խորհուրդների համալսել նիստում Արամը հայտնեց իշխանությունը ՆՆ «օրինադր կառավարությամբ» հանձնելու մասին և պարբասականություն հայտնեց աջակցելու նրան՝ «երկրում կարգ ու կանոն և պանելի կյանք սրելոճելու գործում»³³:

Ն. Քաջագնունու կառավարության մեջ Արամն ուներ բացառիկ դիրք: Դա հետևանք էր մի կողմից նրա արժանիքների, մյուս կողմից՝ այն հանգամանքի, որ ներքին գործերից բացի նրա ենթակայության ներքո էին կենտրոնացվել նաև լուսավորության, հաղորդակցության, պարենավորման ու խնամապարտության նախարարությունները, ինչպես նաև արևելական իշխանության խնդիրները³⁴: Այս հանգամանքը հիմք էր պալիս մեզ համաձայնելու Ռուբենի այն մտքին, թե «1918ին, երբ Նայասպանի օրինական կառավարություն Քաջագնունու դաշխիճն էր կազմաճ, փաստորեն կառավարությունը մնում էր Արամը...»³⁵:

Թերևս պակաս կարևոր չէ այն հանգամանքը, որ Արամը վայելում էր ժողովրդի անվերապահ վստահությունն ու աջակցությունը, ինչը նրա անսահման հայրենասիրության, անշահախնդրության, համեստ կենցաղավարության, իր ժողովրդին մաքուրաճ անցյալի ծառայությունների անմիջական հետևանք էր: Դա այդ ծանրագույն ժամանակաշրջանում նրան առավել ազատ և համարձակ գործելու հնարավորություն էր ընձեռում:

Ինչեւէ, 1918թ. հուլիսի 26-ին ՆԳ նախարարի պաշտոնի սրանձնումով սկսվեց Արամի պետական գործունեության չորրորդ փուլը:

Նոր պաշտոնում ու նոր պայմաններում Արամի ազգային-պետական մրաճողությունն ու գործելակերպը նոր շունչ և որակական նոր դրսևորումներ սրացան: Նամալսարանական կրթության պակասն ինչպես միշտ, այժմ ևս նրան չխանգարեց ծավալելու խելամիտ ու նպատակային գործունեություն: Նա միշտ հանդես եկավ նախաձեռնողի, իրադարձություններին ընթացք տվողի դերում, որպիսիք կարևորագույն գծեր են յուրաքանչյուր բարձրաստիճան պաշտոնյայի համար, հարկապես այն օրերի նման բախտորոշ ժամանակաշրջանում:

Անշուշտ, Արամի այս որակները նկատի ունենալով է. Ս. Վրացյանը գրել է, որ Արամը միակն էր, որ «այդ խառնակ օրերին ընդունակ էր կարգ ու անդորրություն պահել երկրում և պետական» շինարարություն սկսել³⁶: Ավելին, Նայասպանի Նանրապետության երկրորդ կռալիցիոն կառավարության ձևավորման ժամանակ ՆՅԴ-ն՝ մերժելով Արա-

31 Տե՛ն անդ, էջ 218:

32 Տե՛ն Ա. Բաբալեան, նշվ. աշխ., էջ 8:

33 Տե՛ն անդ, հուլիսի 23, թ. 6:

34 Անդ, էջ 220:

35 Ռուբեն, Նայ յեղափոխականի մը յիշարակները, հ. 7, Երևան, 1990, էջ 312:

36 «Յուշապարտում Ն.Յ. Դաշնակցութեան. 1890-1950», Պարբասրեց՝ Ս. Վրացյան, Բոստոն, 1950, էջ 467:

մին կառավարության մեջ չընդգրկելու Նայ ժողովրդական կուսակցության անդամների պահանջը՝ հայտարարեց, որ միայն Արամ Մանուկյանը կարող է կարգ պահել երկրում:

Արամն անսպառ եռանդով մասնակցեց կառավարության հեղափոխած ծրագրի իրականացմանը, որով նախարարելու էր երկրում իրավակարգի, կյանքի և գույքի ապահովության հաստատում, հաղորդակցության ճանապարհների բացում, պարենային ճգնաժամի հաղթահարում, հոգածություն փախստականության ու գաղթականության նկատմամբ, ներքին ու արտաքին փոստ-հեռագրական կապի վերահաստատում, բանակի վերակազմավորում, քրեական կյանքի վերականգնում, հարեւանների հետ բարիդրացիական հարաբերությունների հաստատում, արտաքին վտանգների չեզոքացում:

Առաջնահերթ խնդիրներից մեկը երկրում կյանքի և գույքի ապահովության, իրավակարգի, ամուր իշխանության հաստատումն էր: Անկախության սկզբնական շրջանում երկրում մեծ չափերի էին հասնում հանցագործությունները, այդ թվում և սպանությունները, մատուցելով: Իրավիճակը մրահոգիչ էր նաև այն առումով, որ մի շարք գյուղերում բնակչությունը խուսափում էր հարկերի վճարումից³⁷:

Առաջադրված խնդրի հաջող իրագործման նպատակով Արամ Մանուկյանն առաջ քաշեց մասնավոր զենք-զինամթերքի պետականացման խնդիրը: Խորհրդարանում հիմնավորելով հարցը՝ Արամն իրավացիորեն նշում էր, որ երկրում ոչ մի իշխանություն չի կարելի հաստատել, քանի որ կառավարության կարգադրությունները չեն կատարվում, իսկ հարկադրանքի դեպքում հանդիպում են զինված դիմադրության: Նա իրավացիորեն գտնում էր, որ եթե ժամանակին ժողովրդին զինելն անհրաժեշտություն էր և ուներ ինքնապաշտպանական նպատակներ, ապա ավյալ պահին անձի անձեռնմխելիությունը, ունեցվածքի և այլ իրավունքների պաշտպանությունը պետական իշխանության պարականությունն էր³⁸: 1918 թ. օգոստոսի 29-ին Նախսարանի խորհուրդն ընդունեց Արամի ներկայացրած «Մասնատր սեփականություն կազմող զենքերի և զինամթերքների պետականացման մասին» օրենքը³⁹: Վրանգված գյուղերի ինքնապաշտպանությանը չվնասելու նպատակով նախարարելու էր այդ գյուղերից գրավված զենքի մի մասը թողնել քրեական հարույժ մարդկանց պահպանության ներքո:

Ծավալվեց հեղափոխական և անգիջում պայքար օրինազանցությունների, այդ թվում և իշխանության ներկայացուցիչներին չենթարկվողների դեմ: 1918թ. հոկտեմբերի 8-ին, ընթացք քաղելով Երևանի գավառային կոմիտեի դիմումին, Արամը երեք ամսով կալանքի ենթարկեց զինագրավման մասին օրենքը խախտած Գ. Ավանեսովին և Ն. Օրդուխին: Հոկտեմբերի 28-ին Արամի հրամանով մեկ ամսով կալանվեց Սարգսրապարի բնակիչ Գ. Հակոբյանը՝ իշխանության ներկայացուցչի պահանջին չենթարկվելու և նրան ծեծելու համար⁴⁰ և այլն:

ՆԳ նախարարության հեղափոխած փարաբնույթ խնդիրների հաջող կենսագործու-

37 Տե՛ս «Զանգ», Երևան, 1918, օգոստոսի 17, թ. 46:

38 Տե՛ս Ա. Ասրյան, նշվ. աշխ. էջ 223:

39 Տե՛ս ՄԱԿ, ֆ. 199, ց. 1, գ. 4, թ. 1. «Նախսարանի Նախագահության պառլամենտի օրենքները (1918-1920թթ.)», Երևան, 1998, էջ 2-3:

40 ՄԱԿ, ֆ. 201, ց. 1, գ. 16, թ. 35, թ. 73:

մը ենթադրում էր ներքին գործերի համակարգի ուժեղացում, նրա բաժինների և աշխատակիցների գործառնությունների հստակացում, սեփական շարքերի մաքրում անհուսալի և օրինազանց աշխատակիցներից, ինչը և կատարում էր Արամը՝ առանց խորականության: Դրա ակնառու դրսևորումներից է այն իրողությունը, որ հոկտեմբերի 12-ին Արամը պարենավորման բաժանմունքի վարիչին հրահանգեց նույն բաժանմունքի պաշտոնյա, Ապարանի հերոսներից Արսեն Տեր-Պողոսյանին ժամանակավորապես՝ մինչև քննության ավարտը, ազատել աշխատանքից՝ հիմք ունենալով նրա նկատմամբ առաջադրված մեղադրանքները⁴¹:

Արամը փորձում էր վերացնել նաև հանցագործությունների առաջացմանը նպաստող պայմանները: Այսպես, Նայասրանի խորհրդի նախագահի և քարտուղարի անուններով կեղծ վկայագիր կազմելու և դրանով հացահատիկ հավաքելու համար 1918թ. սեպտեմբերի 26-ին ձեռքակալվել էր Ե. Լուսիկյանը: Ելնելով այդ դեպքից՝ նա գավառային և Կրեկամասային կոմիսարներին հանձնարարեց նմանօրինակ թյուրիմացություններից խուսափելու համար լինել զգույն, գործել իրենց պարտականությունների շրջանակներում, իսկ օրենքով չնախատեսված դեպքերում գործել միայն վերադասի արտոնությամբ:

Արամի փնտրիչությանն էին հանձնվել նաև Կրեկամասի իշխանության խնդիրները: Նա էր նշանակում և ազատում Կրեկամասի վարչական պաշտոնյաներին, ներառյալ գավառային ու գավառամասային կոմիսարներին: Սակայն կարեւորն այսպիսի Արամի ցուցաբերած պետական մոտեցումն էր գործին: Արամն ամեն ինչ անում էր իր ենթակայության ներքո գրավող պետական բոլոր ծառայողներին զգաստացնելու, վստահված գործի նկատմամբ նրանց մեջ պետական մոտեցում սերմանելու համար: 1918թ. սեպտեմբերի 8-ի շրջաբերականով Արամն ի գիտություն գավառային պաշտոնյաների՝ հայտարարեց, որ եթե իրենց նկատմամբ լրագրելու հրապարակված մեղադրանքները կարճ ժամանակում չհերքվեն, ապա նրանք կհեռացվեն աշխատանքից և դատի կտրվեն⁴²: Մեկ այլ անգամ նա գավառային կոմիսարներին առաջարկեց ներկայացնել իրենց Կրեկամասի Կրեկամասի այն մասին, թե որքանով են վարչական մարմինների համար նախատեսված հասարակությունը համապատասխան իրենց գավառներում: Կոմիսարներին առաջարկվում էր իրենց Կրեկամասի Կրեկամասի արտաքինային լիակատար գանձարանի ծախսերը խնայելու անհրաժեշտությունից և որոշված նորմերի ավելացման անհրաժեշտության առաջարկի դեպքում ներկայացնել անհերքելի հիմնավորում⁴³:

Արամը հերոսական քայլեր ձեռնարկեց պարենային ճգնաժամի մեղմացման, լուսավորության, հարյուր հազարավոր փախստականների և որբերի հոգսերը հոգալու, հեռագրակապը վերականգնելու, ռադիոցանց ստեղծելու, ավտոմեքենաների շարժակազմը նորոգելու և այլ ուղղություններով:

Պարենային ծանր կացությունը մեղմելու համար, բացի հացից, օգտագործվեց պետական մենաշնորհի հաստատված նաև գերմանական, բամբակի, խմիչքների, աղի, կար-

41 Տե՛ս անդ, ց. 2, գ. 1, թ. 122:

42 Տե՛ս անդ, ց. 1, գ. 1, թ. 79, 80, 81, 82:

43 Տե՛ս անդ, ց. 2, գ. 47, թ. 120:

ստիճակի նկարմամբ⁴⁴։ Ձեռնարկվեցին քայլեր հանրապետության փարածք մթերքների պեղման ներկրում կազմակերպելու և թաղաքացիների կողմից դրանց ներմուծումը դյուրացնելու ուղղությամբ։ 1918թ. օգոստոսի սկզբներին Արամի կարգադրությամբ ապրանքների ներմուծումը հայտարարվեց ազատ, իսկ անհրաժեշտ մթերքների արտահանումն արգելվեց և պետք է կատարվեր միայն հատուկ թույլտվությամբ⁴⁵։ Նոյեմբերի 28-ին Արամը ֆինանսների նախարարին խնդրեց մաքսային հաստատությունների վարչությանը կարգադրել արտոնելու պարենամթերքի անարգել ներկրումը հանրապետություն։

Արամը երկրում կատարվող գրագրությունների հայացման նախանձախնդիր էր։ Մասնավորապես, նրա առաջարկությամբ ՆՆ կառավարությունը սեպտեմբերի 14-ի նիստում որոշում ընդունեց նոյեմբերի 1-ից երկրում հեռագրերը ժուսերենի հետ հայերեն լեզվով հաղորդելու մասին⁴⁶։

Արամ Մանուկյանի նախանձախնդրությունն ու սրբապաշտությունն ակնհայտ էր առանձնապես որբերի խնամքի հարցում։ «Բաջ գիտակցելով, որ բավարար միջոցների բացակայության պայմաններում միայն համաժողովրդական մարեցման դեպքում հնարավոր կլինի 50 հազարի հասնող որբերին փրկել մահվան ճիւղաններից՝ Արամը հոկտեմբերի 8-ին դիմեց ժողովրդին։ Ժողովրդի աջակցությունը սրանալու համար նա դիմում էր նրա գիտակցությանն ու բնագոյին՝ հեղուկալ հոգեցունց խոսքերով. «Թ-առամում է խոշորագույն մասը մեր մարտիկ սերնդի, մեռնում է ապագան մեր հայրենիքի, որի համար ցեղի լաւագոյն մարդիկը պայքարեցին, փառապեցին և նահապետեցին»։ Նա ժողովրդին կոչ էր անում օգնել որբերին և հույս հայտնում, որ փոխադարձ ջանքերով կարելի կլինի փրկել նրանց⁴⁷։

Արամի պետական գործունեության նկարագիրն ամբողջացնելու և գնահատելու համար խիստ կարևոր է մի կողմից ազգային-պետական շահերի, մյուս կողմից՝ օրենքի, օրինականության և կարգունակմանի նկարմամբ նրա դիրքորոշման պարզաբանումը։ Այդ դիրքորոշումը միանշանակ էր ու չափազանց հստակ։ Արամին խորթ էին պետական պաշտոնյայի գործառնությունների, ինչպես նաև օրենքների դոգմարիկ, կույր ընկալումն ու մեխանիկական կիրառումը, և ընդհակառակը, ընդունելի էին պետության և ժողովրդի շահերը, եթե նույնիսկ դրանք օրենքով ամրագրված չէին, ընդունելի էր նաև օրենքի շրջանցումը, եթե այդ օրենքի կատարումը կարող էր վնասել երկրի ու ժողովրդի շահերին։ Նա իրավացիորեն գտնում էր, որ «կան դէպքեր...երբ օրենքն ու իրաւունքը գործադրելով՝ մենք յանցատրներ կը դառնանք, մանաւանդ այնպիսի ծանր ու անբնական ժամանակներում, երբ դէպքերը քրեի են ունենում գահավ՛ժ արագութեամբ և սրելոծում դրոթիւններ, որոնք օրէնքը չէր կարող նախարեսել»⁴⁸։ Ասվածը հաստատելու համար ներկայացնենք մի քանի ուշագրավ օրինակ։

44 Տե՛ս «Զանգ», 1918, սեպտեմբերի 28, թ. 57, Ա. Ասրյան, էջ 230։

45 Տե՛ս «Զանգ», 1918, օգոստոսի 10, թ. 4, Ա. Ասրյան, անդ, էջ 230։

46 Տե՛ս ՂԱԱ, ֆ. 200, ց. 1, գ. 105, թ. 25։

47 Տե՛ս անդ, ֆ. 201, ց. 1, գ. 38 (1 մաս), թ. 53-54, ֆ. 199, ց. 1, գ. 207, թ. 19, Ա. Ասրյան, նշվ. աշխ., էջ 235։

48 «Արամը», Մահուան յիսնամեակին առթիւ, Երևան, 1991, էջ 140։

Իբրև ՆԳ նախարար՝ Արամը պարտավոր էր ապահովել հանրապետության ողջ բնակչության անվտանգությունը: Սակայն հայոց պարմական փրաժքներում նստած թուրք-թաթարական զանգվածների հակապետական գործողությունների հետևանքով պետության գլխին կախված մահացու ապառնալիքը և անօթևան հայ փախստականների ոչնչացման վտանգը նրան դրդում էին գործել այլ կերպ: Նա ոչ միայն գենք-գինամ-թերք էր փրամադրում երկիրը թուրք-թաթարական թշնամական զանգվածներից մաքրելու համար ազապագրական գործողություններ իրականացնող խմբապետ Մուշեղի և ուրիշների գլխավորած արևմտահայկական ուժերին⁴⁹, այլև այդ նպատակի համար երբեմն օգտագործում էր միլիցիայի ուժերը⁵⁰: Այդ կերպ նա ապահովում էր հանրապետության անվտանգությունը, միաժամանակ, նպաստում հայ փախստականների փրկավորմանն ու կյանքի համար փանելի պայմանների ստեղծմանը:

Այդ ժամանակաշրջանում Արամը քայեր էր ձեռնարկում զինվորական և այլ կառույցների զբաղեցրած դպրոցական շենքերն ազապրելու և կրթական գործընթացը վերսկսելու համար: Սակայն, ելնելով որբերին պարսպաբերելու, հերևաբար նրանց անխոստափելի գրկանքներից և կործանումից փրկելու անհրաժեշտությունից՝ Արամն արդարացրեց Երևանի դպրոցներից մեկը նրանց հապկացնելու մասին Ռուբենի՝ օրենքով չարտոնված արարքը և դրանով իսկ հավանություն րովեց վերջինիս այն մարքին, թե «ողջ և ապահով երեխաների ուսման հարցը առելի կարևոր չէ, քան փողոցներում թափաժներին ու քաղցի ճիրաններում գալարոտողների կեանքը»⁵¹:

Կարևորն այն է, որ Արամի նախաձեռնությունները գերծ էին անձնական շահախնդրությունից: Նա ապրում և սնվում էր ինչպես հասարակ երևանցին, անգամ պարստում էր, որ ճաշի ժամանակ հաց չէր ունենում: Գործ ունենալով հսկայական գումարների հեր և օժրված լինելով մեծ իշխանությամբ՝ նա երբեք դրանք չժառայեցրեց իր անձնական հարսպացմանը, երբեք չշրջանցեց օրենքը:

Արամի գործունեության բնութագրական կողմերից է նրա դիրքորոշումը հայ-թուրքական հարաբերություններում: Ամբողջ կյանքը թուրքերի դեմ պայքարած, րվյալ պահին նրանց կողմից ուղղորդվող թաթարական հակապետական շարժումները ճնշող Արամն առերևույթ պահպանում էր բարեհաժ վերաբերմունք նրանց նկապմամբ: Մասնավորապես, նա պարշաժ ընդունելություն կազմակերպեց 1918թ. օգոստոսի 31-ին Երևան ժամանած թուրք գորավար Խալիլին⁵², ավելին անձամբ ժամանեց երկաթուղային կայարան՝ նրան դիմավորելու համար:

Արամի պետական մոբեցումն ակնհայտ էր նաև կռալիցիոն կառավարություն սրելոժելու հարցում: 1918 թ. աշնանը Նայ ժողովրդական կուսակցությունը, որը հունիսին հրաժարվել էր մասնակցել Ն. Քաջազնումու կառավարության ձեռավորմանը, ցանկություն հայրնեց մասնակցելու պետության կառավարման գործին և ՆՅԴ հեր կազմել

49 Տե՛ն Ռուբեն, հ. 7, էջ 111:

50 Տե՛ն ՆԱԱ, ֆ. 45, ց. 1, գ. 32, թ. 15:

51 Տե՛ն «Արամը», էջ 139:

52 ՆԱԱ, ֆ. 370, ց. 3, գ. 19, թ. 55. Վ. Նաասարդեան, Արամի կեանքից, «Նայենիք», 1925, նոյեմբեր, թ. 1, էջ 75-79:

կռալիցիոն կառավարություն: Կռալիցիոն կառավարություն ձևավորելու պահանջ դրեց նաև Արամ Մանուկյանը, չնայած այն հանգամանքին, որ նույն ՏԺԿ ներկայացուցիչները պահանջում էին նրան չընդգրկել կառավարության մեջ, չնայած նաև այն հանգամանքին, որ այդ դեպքում նրա լիազորությունների շրջանակը որոշակիորեն կրճատվելու էր: Բանն այն է, որ նախադրեցվում էր պարենավորման, լուսավորության և խնամատարության նախարարների առանձին պաշտոնների ստեղծում, որոնց գործառույթները փոխադրվում էին Արամի ձեռքում: Նրա դիրքորոշման պարզառենքը շարք պարզ էին. կռալիցիոն կառավարության ձևավորմամբ կառավարություն կներգրավվեին բարձրորակ կադրեր, որոնցով ՏԺԿ-ն հարուստ էր, բացի այդ, կառավարությունը կունենար առավել մեծ ժողովրդականություն, հեղինակություն ավելի ամուր հիմքեր կստեղծվեին ազգային միասնության և պետականության ամրապնդման համար:

Դժբախտաբար, Արամ Մանուկյանին վիճակված չէր երկար ապրել և շարունակել հանրապետության ամրապնդմանն ուղղված իրարեսեղան, կշռադարձված ու արդյունավետ գործունեությունը: Ժողովրդի հետ ամենօրյա անմիջական շփման մեջ գտնվող գործիչը 1918թ. դեկտեմբերին վարակվեց բժավոր փոփոխ և 1919թ. հունվարի 29-ին կնքեց մահկանացուն: Արամի մահը ցնցեց հայ ժողովրդին, պետական ու հասարակական-քաղաքական գործիչներին: Նրա հուղարկավորությունը վերածվեց համաժողովրդական սուգի: Հուղարկավորությանը մասնակցում էր ամբողջ Երևանը, մեծ ու փոքր, որպեսզի վերջին անգամ հարգանքի փութք մատուցեր մի մարդու, որին վստահել էր իր ճակարագիրն ամենաօրհասական պահերին և չէր սխալվել:

Այսպիսով, Արամ Մանուկյանն իր ողջ պետական գործունեության ընթացքում աչքի ընկավ քաղաքական հասունությամբ ու հեղափոխությամբ, իրարեսեղան ու շրջակայացությամբ, կազմակերպչական բացառիկ ձիրքով, անկուրքում կամքով, անշահախնդիր վարքով, համեստ կենցաղով և մեծագույն պարասխառնարվությամբ իր ժողովրդի ճակարագրի նկատմամբ: Այդ հատկանիշները նրա գործունեությունը դարձրին խիստ արգասավոր: Նա առաջնակարգ և հսկայական դերակատարություն ունեցավ հայոց նորագույն անկախ պետականության ստեղծման և պետականաշինության գործընթացում:

Արամ Մանուկյանի կյանքը և պետական գործունեությունը կարող է հիանալի դաս լինել ներկա ու ապագա սերունդների, առաջին հերթին պետական և քաղաքական այրերի համար: